

纏向日代朝行景御世治平隼人同祖初小仁德帝代者伏布爲曰佐賜國造

薩摩國造

纏向日代朝伐薩摩隼人等鎮之仁德朝代曰佐改爲直

〔日本書紀八〕二年三月丁卯天皇巡狩南國中至紀伊國而居于德勒津宮是時熊襲叛之不朝貢

天皇於是將討熊襲國則自德勒津發之浮海而幸穴門八年九月己卯詔群臣以議討熊襲時有神

託皇后而誨曰天皇何憂熊襲之不服是齋之空國也豈足舉兵伐乎愈茲國而有寶國中是謂栲衾

新羅國焉若能祭吾者則曾不血刃其國必自服矣復熊襲爲服中天皇猶不信以強擊熊襲不得勝

而還之

〔日本書紀九〕九年中三月壬申朔皇后略時得神語隨教而祭然後遣吉備臣祖鴨別令擊熊襲

國未經浹辰而自服焉

〔新撰姓氏錄左京神別〕額田部湯坐連

天津彥根命子明立天御影命之後也允恭天皇御世被遣薩摩國平隼人略下

〔續日本紀二〕大寶二年八月丙申朔朔原脫一本補薩摩多嶽隔化逆命於是發兵征討遂校戶置吏焉

〔續日本紀六〕和銅六年七月丙寅詔曰授以勳級本據有功若不優異何以勸獎今討隼人將軍并士

卒等戰陣有功者一千二百八十餘人並宜隨勞授勳焉

〔續日本紀八〕養老四年二月壬子太宰府奏言隼人反殺大隅國守陽侯史麻呂三月丙辰以中納

言正四位下大伴宿禰旅人爲征隼人持節大將軍授刀助從五位下笠朝臣御室民部少輔從五位下

巨勢朝臣真人爲副將軍八月壬辰勅征隼人持節將軍大伴宿禰旅人宜且入京但副將軍已下者

隼人持字以下二十三未平宜留而已屯焉

〔續日本紀九〕養老六年四月丙戌征討中大隅薩摩隼人等軍將已下中授勳位各有差